



Borgarráð

Reykjavík, 4. nóvember 2024

MSS24100187

### Tilnefningar í starfshóp um uppbyggingu nýs þjóðarleikvangs fyrir frjálsíþróttir

Hjálagt er erindi mennta- og barnamálaráðherra dags. 24. október 2024 þar sem tilkynnt er að ráðherra hafi ákveðið að skipa starfshóp um uppbyggingu þjóðarleikvangs í frjálsíþróttum í Laugardal. Óskað var eftir tilnefningum fjögurra fulltrúa frá Reykjavíkurborg í starfshópinn. Borgarstjóri hefur skipað Ámunda V. Brynjólfsson, skrifstofustjóra framkvæmda og viðhalds hjá umhverfis- og skipulagssviði og Helgu Friðriksdóttur, skrifstofustjóra íþróttaborgar á menningar- og íþróttasviði sem aðalmenn og Guðna Guðmundsson, deildarstjóra á skrifstofu framkvæmda og viðhalds á umhverfis- og skipulagssviði og Þórhildi Lilju Ólafsdóttur, lögmann hjá embætti borgarlögmanns til vara.

Einar Þorsteinsson  
borgarstjóri

Hjálagt:

Bréf mennta- og barnamálaráðherra, dags. 24. október 2024.

Viljayfirlýsing, dags. 2. september 2024.



Reykjavík



Reykjavíkurborg  
Einar Þorsteinsson borgarstjóri  
Ráðhúsinu  
Tjarnargötu 11  
101 Reykjavík

Dagsetning 24. október 2024  
Málsnúmer MRN24100014

## Óskað tilnefningar í starfshóp um uppbyggingu nýs þjóðarleikvangs fyrir frjálsíþróttir

Forsætisráðherra, mennta- og barnamálaráðherra, fjármála- og efnahagsráðherra, Reykjavíkurborg, Knattspyrnusamband Íslands, KSÍ og Frjálsíþróttasamband Íslands, FRÍ undirrituðu sameiginlega viljayfirlýsingu 2. september 2024 um að framtíðaruppbygging þjóðarleikvangs fyrir knattspyrnu og frjálsíþróttir verði í Laugardal með aðkomu þessara aðila.

Mennta- og barnamálaráðherra hefur ákveðið að skipa starfshóp um uppbyggingu þjóðarleikvangs í frjálsíþróttum í Laugardal.

Vakin er athygli á 28. gr. laga um jafna stöðu og jafnan rétt kynjanna, nr. 150/2020, en þar er meðal annars kveðið á um að þegar tilnefnt er í nefndir, ráð og stjórnir á vegum ríkis og sveitarfélaga skuli tilnefna bæði karl og konu. Þá kemur fram að tilnefningaraðila sé heimilt að víkja frá þeirri skyldu þegar hlutlægar ástæður leiða til þess að það er ekki mögulegt. Skal tilnefningaraðili þá skýra ástæður þess. Ákvæði þetta kemur ekki í veg fyrir tilnefningu og skipun fólks með hlutlausu skráningu kyns í þjóðskrá í nefndir, ráð og stjórnir á vegum hins opinbera. Hlutfall skal þó aldrei vera minna en 40%. Ráðherra skipar í nefndina og velur úr tilnefningum svo kynjaskipting sé sem jöfnust.

Með skírskotun til framangreinds er óskað eftir að tilnefndir verði fjórir einstaklingar, tveir af hvoru kyni. Sé það ekki unnt er óskað eftir skýringum á ástæðum þess. Sama á við ef tilnefningaraðili óskar eftir því að annar tilnefndra einstaklinga verði skipaður aðalmaður.

Ráðuneytið greiðir ekki sérstaklega fyrir störf í nefndinni.

Mælst er til að tilnefningin berist mennta- og barnamálaráðuneytinu hið fyrsta á netfangið [mrn@mrn.is](mailto:mrn@mrn.is) og eigi síðar en 14. nóvember n.k. Vinsamlega látið nafn, kennitölu, heimilisfang og netfang tilnefndra aðila fylgja.

F.h. ráðherra  
Anna Tryggvadóttir

F.h. ráðherra  
Erla Ósk Guðjónsdóttir

## Viljayfirlýsing

### um uppbyggingu þjóðarleikvanga í knattspyrnu og frjálsíþróttum í Laugardal

Forsætisráðherra, mennta- og barnamálaráðherra, fjármála- og efnahagsráðherra, Reykjavíkurborg, Knattspyrnusamband Íslands og Frjálsíþróttasamband Íslands lýsa yfir sameiginlegum vilja að framtíðaruppbygging þjóðarleikvanga fyrir knattspyrnu og frjálsíþróttir verði í Laugardal með aðkomu þessara aðila samkvæmt nánara samkomulagi. Í því felst að byggja upp þjóðarleikvanga í knattspyrnu og frjálsíþróttum sem hafa heildarumgjörð og búnað sem krafist er til þess að halda viðurkennda viðburði í alþjóðakeppnum viðkomandi íþróttagreinna í samræmi við reglugerð nr. 388/2018 um viðurkenningu þjóðarleikvanga í íþróttum.

Sífelld ríkari kröfur eru gerðar til þjóðarleikvanga sem notaðir eru í alþjóðakeppnum. Þátttaka Íslands í alþjóðlegum keppnum krefst þess að hér á landi séu þjóðarleikvangar sem uppfylli kröfur alþjóðlegra íþróttasambanda til leikvanga. Laugardalsvöllur, sem hefur verið vettvangur glæsilegra íþróttaafreka frá 1959, er sá leikvangur sem kemst næst því að uppfylla þessar alþjóðlegu kröfur en verulegra endurbóta þarf þó við svo völlumurinn uppfylli kröfur leikvanga, t.d. í UEFA vallarflokki 4 eða World Athletics til alþjóðlegrar keppni, í núverandi ástandi.

Samkomulagsaðilar eru sammála um mikilvægi þess að þjóðarleikvangar í knattspyrnu og frjálsíþróttum verði byggðir upp í áföngum á sitt hvorum leikvanginum í Laugardal.

Góður árangur bæði íslenskra landsliða og félagsliða í knattspyrnu leiðir til þess að spila þarf leiki í alþjóðlegum keppnum allt árið um kring. Knattspyrnusamband Íslands, ríki og borg eru sammála um að fyrsti fasi uppbyggingar Laugardalsvallar verður að skipta út núverandi grasi á vellinum fyrir svokallað hybrid gras og setja hitunarkerfi undir völluminn en hybrid grasið uppfyllir lágmarks alþjóðlegar kröfur. Ríki og borg leggja hvor um sig allt að 250 m.kr. til þessa verkefnis sbr. kostnaðaráætlun dags. 31. júlí 2024 unna fyrir KSÍ og verður greitt í samræmi við framvindu verkefnisins. Þjóðarleikvangur ehf., sem er í eigu ríkisins, Reykjavíkurborgar og KSÍ, sér um framkvæmdirnar. Við þetta ætti Laugardalsvöllur að vera leikfær stóran hluta ársins. Viðræður um næstu skref uppbyggingar Laugardalsvallar fari fram í kjölfarið með þátttöku þessara aðila þar sem horft verði til endurbóta á mannvirkjum í áföngum samkvæmt nánara samkomulagi og taki mið af nýtingu Laugardalsvallar og hlutverks hans sem þjóðarleikvangs. Skipaður verði sérstakur starfshópur um verkefnið með aðkomu borgar, ríkis og KSÍ.


Með ofangreindu fyrsta skrefi fyrir þjóðarleikvangi í knattspyrnu er ljóst að tímabundið er enginn þjóðarleikvangur í frjálsíþróttum, þar sem hybrid gras leyfir ekki keppni í kastgreinum inn á grasið.


Vegna þessa verður samhliða unnið að því í samstarfi Frjálsíþróttasambands Íslands, ríkis og borgar að tryggja fullnægjandi aðstöðu fyrir íslenskt frjálsíþróttafólk til framtíðar. Í því skyni mun mennta- og barnamálaráðherra skipa starfshóp þar sem unnið verði áfram með hugmyndir frá starfshópi MRN frá september 2021.


Ríki og borg sammælast um að biðtími eftir þjóðarleikvangi í frjálsíþróttum verð eins stuttur og frekast sé unnt en aðilar eru meðvitaðir um mikilvæga keppni á Smáþjóðameistaramóti á Íslandi 2028 sem og Smáþjóðaleika, fáum árum síðar. Mennta- og barnamálaráðherra mun í samstarfi við Frjálsíþróttasamband Íslands gera tillögur og vinna að fjármögnun þeirra um hvernig leysa skuli aðstöðumál, fyrir æfingar og keppni til skemmri tíma.


Reykjavík, 2. september 2024


  
Bjarni Benediktsson, forsætisráðherra

  
Sigurður Ingi Jóhannsson, fjárm.- og efnahagsrh.

  
Ásmundur Daðason, mennta- og barnam.rh.

  
Einar Þorsteinsson, borgarstjóri

  
Freyr Ólafsson, formaður FRÍ

  
Þorvaldur Örlygsson, formaður KSÍ